



БУЛГАН АЙМГИЙН ЗАСАГ ДАРГЫН ЗАХИРАМЖ

2022 оны 04 сарын 19 өдөр

Дугаар 7243

Булган сум

Агаар мандалд зориудаар нөлөөлөх тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.21, Ус, цаг уур, орчны хяналт шинжилгээний тухай хуулийн 6 дугаар зүйлийн 6.1.4, 7 дугаар зүйлийн 7.1.1, 7.1.3, Тариалангийн тухай хуулийн 19 дүгээр зүйлийн 19.3.1, 19.5.6 дахь заалт, Сангийн сайдын 2021 оны 61 дүгээр тушаалаар батлагдсан “Засаг даргын нөөц хөрөнгийг захиран зарцуулах журам”-ын 2.1.1 дэх заалтыг тус тус үндэслэн ЗАХИРАМЖЛАХ нь:

1.Булган аймгийн нутгаар дулааны улиралд цаг агаар тогтворгүй, олон жилийн дунджаас дулаан, салхи шуурга, хуурайшилт ихтэй байгаа нь бэлчээрийн ургамлын ургац, мал аж ахуй, газар тариалангийн үйлдвэрлэл, хаврын тариалалтад сөргөөр нөлөөлж болзошгүй тул үүлэнд зориудаар нөлөөлж, хур тунадас нэмэгдүүлэх, байгууллага хоорондын үйл ажиллагааг уялдуулан зохицуулах зорилго бүхий ажлын хэсгийг дараах бүрэлдэхүүнтэйгээр байгуулсугай.

Ажлын хэсгийн ахлагч: Д.Жаргалсайхан (Аймгийн Засаг даргын орлогч)

Гишүүд:

- С.Алтанзул (Аймгийн Засаг даргын Тамгын газрын Хөгжлийн бодлого төлөвлөлт, хөрөнгө оруулалтын хэлтсийн мэргэжилтэн)
- Ч.Амгалан (Хүнс, хөдөө аж ахуйн газрын дарга)
- Ш.Баасандорж (Онцгой байдлын газрын дарга, Хурандаа)
- А.Гантөмөр (Байгаль орчин, аялал жуулчлалын газрын дарга)
- Б.Батболд (Мэргэжлийн хяналтын газрын дарга)

Дос/2022/Захирамж

6320220292

Нарийн бичгийн дарга: С.Жаргалсайхан (Ус, цаг уур, орчны шинжилгээний төвийн дарга)

2.Байгаль, цаг агаарын бодит судалгаа, дүгнэлтэд үндэслэн шаардлагатай тохиолдолд агаар мандалд зориудаар нөлөөлж, хур тунадас нэмэгдүүлэх үйл ажиллагаа явуулахыг Ус, цаг уур, орчны шинжилгээний төв (С.Жаргалсайхан), Онцгой байдлын газар (Ш.Баасандорж), Хүнс, хөдөө аж ахуйн газар (Ч.Амгалан) нарт тус тус даалгасугай.

3.Цаг агаарт зориудаар нөлөөлөх үйл ажиллагааг зохицуулах дүрмийг мөрдөж, хур тунадас нэмэгдүүлэх үйл ажиллагааг олон улсын болон орон нутгийн нислэгийн аюулгүй байдалтай уялдуулан зохион байгуулж, хамтран ажиллахыг Иргэний нисэхийн Ерөнхий газрын харьяа "Булган" нисэх буудлын дарга /Д.Очирбат/, Ус, цаг уур, орчны шинжилгээний төв (С.Жаргалсайхан) нарт тус тус үүрэг болгосугай.

4.Агаар мандалд зориудаар нөлөөлөх экспедицийг тухайн орон нутагт ажиллах нөхцөл, боломжоор хангаж ажиллахыг сумын Засаг дарга нарт чиглэл болгосугай.

5.Цаг агаарт зориудаар нөлөөлж, хур тунадас оруулах экспедицийн үйл ажиллагаанд шаардлагатай 5,000,000 (таван сая) төгрөгийг үе шаттайгаар аймгийн Засаг даргын нөөц хөрөнгөөс санхүүжүүлэхийг аймгийн Засаг даргын Тамгын газрын дарга (Д.Алтаншагай)-д зөвшөөрсүгэй.

6.Дээрх арга хэмжээг үр дүнтэй хэрэгжүүлэхэд төр, төсвийн байгууллага, сум, багийн Засаг дарга нарын ажлын хариуцлагыг сайжруулан, үүрэг чиглэлээр хангаж, авч хэрэгжүүлсэн арга хэмжээний талаар тухай бүр танилцуулахыг ажлын хэсэг (Д.Жаргалсайхан)-т даалгасугай.

ЗАСАГ ДАРГА



Б.АРИУН-ЭРДЭНЭ